

NÝJA OZ-APPIÐ FÆR FRÁBÆRAR VIÐTÖKUR



MIÐVIKUDAGUR 19. JÚNÍ 2013
6. TÖLUBLAÐ 1. ÁRGANGUR
DAGSKRÁRBLAÐ STÖÐVAR 2

NASHVILLE

Tvær kántrýstjörnur
berjast um hylli áhorfenda
á mánudagskvöldum.



LEIKARI ÁRSINS

Ólafur Darri fer með hlut-
verk í þáttum sem sýndir
verða á Stöð 2 næsta vetur.



FYRIR KRAKKANA

Stöð 2 sýnir vandað talsett
barnaefni. Að baki rödd-
unum liggja margar vinnu-
stundir.



PÖNK Í REYKJAVÍK

NÝIR HEIMILDARÞÆTTIR UM JÓN GNARR,
PÖNKARANN SEM VARÐ BORGARSTJÓRI Í
REYKJAVÍK



FRÁBÆR TILBOÐ
Í STÖÐ 2 VILD



krakkar



GULL



BÍÓ



SPORT



SPORT 2

ANDLITIN Á BAK VIÐ RADDIRNAR

Stöð 2 hefur frá upphafi sýnt vandað talsett barnaefni. Að baki hverri teiknimynd liggur mikil vinna sem þýðendur og leikarar leggja á sig til að veita börnum allra bestu skemmtun.



Dóra

Vigdís Hrefna Pálsdóttir

- 1. Áttu þér uppáhaldsfrasa?** „Þegar Dóra spyr börnin: Hvað fannst ykkur skemmtilegast í dag? og því fylgir sjö sekúndna þögn.“
- 2. Skemmtilegasta atriðið?** „Þættirnir ganga út á endurtekningar. Dóra fer ferðalag og á þrjá staði. Þættirnir hafa með tímanum orðið meira absúrd og ég man eftir því að hún hefur hoppað inn í sögubækur og lent inni í ævintýrum.“
Vigdís Hrefna telur þættina afar vel heppnaða.

„Það sem mér finnst skemmtilegast er að þetta eru ævintýrapættir þar sem aðalsöguhetjan er stelpa, sem er ekki algengt. Hennar aðalmarkmið er ekki að vera sæt og þá höfða þættirnir bæði til stráka og stelpna.“

- 3. Aðrar teiknimyndapersónur sem þú hefur talað inn á?** „Ég hef talað inn á gömlu Disney-útgáfuna af Mjallhvíti sem mér þykir mjög vænt um. Ég hef lesið fyrir Öskubusku og núna síðast var ég í „The Rise of the Guardians“. Þá hef ég leikið Tannálfinn og leikið í Barbie-teiknimyndum.“



Doddi

Sara Margrét Nordahl

- 1. Áttu þér uppáhaldsfrasa?** „Nei, engan sérstakan frasa, en ég held mikið upp á hláturinn hans Dodda, hehehe.“
- 2. Skemmtilegasta atriðið?** „Þegar Eyrnastór gaf öllum í bænum hröðunarduft,“ segir Sara sem dreymdi um að fá

að talsetja frá því hún sá Konung ljónanna þegar hún var barn. Hún hefur nú unnið hjá Stúdíói Sýrlandi í rúmt hálf ár.

- 3. Aðrar teiknimyndapersónur sem þú hefur talað inn á?** „Ég hef talað fyrir Molly í Kúlugúbbunum og Tilly í Tilly og vinir auk fjölda annarra teiknimynda. Þetta er eitt það skemmtilegasta sem ég geri.“



Svampur Sveinsson

Siggi Sigurjóns

- 1. Áttu þér uppáhaldsfrasa?** „Frasarnir eru svo margir en ég man engan í svipinn. Hins vegar er talsetningin mjög skemmtileg en erfið því Svampur talar svo hratt og er svo súr.“
- 2. Skemmtilegasta atriðið?** „Mér er bara

minnisstætt hvað hugmyndafluglið flýgur hátt í þáttunum.“

- 3. Aðrar teiknimyndapersónur sem þú hefur talað inn á:** „Ég hef talað fyrir ógrynni persóna. Til dæmis hef ég verið Kaninka í Bangsímon undanfarið ár. Einhverra hluta vegna tala ég oft fyrir fugla. Til dæmis fyrir fuglinn Sasú í Lion King sællar minningar.“



Strumpanir/Júlli kóngur/Nenni í Latabæ

Laddi

Laddi er ókrýndur konungur talsetningar. Hann hefur talað fyrir ógrynni persóna í gegnum árin en hæst ber þó að nefna Strumpana sem Laddi talaði inn á árið 1982. Þar talaði hann fyrir hverja og einustu persónu, strumpa, tröll, galdrakar og kisu. Var ekki erfið að muna raddir hvers og eins? „Til að byrja með var það það. Ég þurfti að búa til raddir fyrir alla og til að muna þær notaði ég lítið segulband sem ég var með raddirnar inni á. Ég mundi aðalraddirnar, Strympu, Æðstastrump og Gáfnastrump.“

Til að muna raddir strumpanna sem komu sjaldan fyrir hlustaði ég á kasettuna,“ segir Laddi og áréttar að talsetning hafi verið mun erfiðari í þá daga. „Í dag getur þú verið með eins margar rásir og þú vilt, þá hins vegar voru rásirnar aðeins tvær. Ef maður klikkaði þurfti maður bara að byrja upp á nýtt. Þetta var mjög erfiðt og seinvirkt.“

Er einhver strumpur í uppáhaldi? „Ég hugsa að æðsti strumpur sé í mestu uppáhaldi.“

Er einhver teiknimynd sem þú hefur lesið inn á í meira uppáhaldi en aðrar? „Ég man sérstaklega eftir andanum í

Aladdin og asnanum í Shrek. Þetta voru mjög skemmtilegar týpur.“



OZ-APPIÐ FÆR FRÁBÆRAR VIÐTÖKUR

Nýja OZ-appið hefur svo sannarlega slegið í gegn síðan það var kynnt fyrir áskrifendum Stöðvar 2 í síðustu viku. Nú þegar hafa um 10.000 manns sótt það og nota

Ari Edwald að staðalri í forstjóri 365 snjallsímum sínum og spjaldtölvum eða til að streyma útsendingunni áfram á hefðbundinn sjónvarpskjá í gegnum Apple TV. Ari Edwald, forstjóri 365, segir viðtökurnar hafa verið mjög góðar og að áskrifendur séu mjög hrifnir af nýju þjónustunni. „Þessi nýja þjónusta er einkar vel heppnuð og viðbrögð áskrifenda okkar hafa verið mjög jákvæð. Stöðugt fleiri bætast í hópinn á hverjum degi og við sjáum hvernig margir áskrifendur nýta sér þjónustuna daglega og safna efni til að horfa á síðar.“ Ari segir sjónvarpsáhorf vera að aukast, þvert á það sem margir halda. Hins vegar séu áhorfendur farnir að horfa öðruvísi á sjónvarp en áður. „Fólk vill stjórna sjónvarpsáhorfi sínu meira en áður. Í þeim breytingum felast bæði miklar áskoranir fyrir okkur en ekki síður tækifæri. Við hjá 365 munum bakka þessa þróun upp með betri nettengingum síðar á árinu og getum þá boðið saman netáskrift og sjónvarpsáskrift.“ Áskrifendur Stöðvar 2 geta sótt um aðgangsorð fyrir OZ-appið inn á www.stod2.is. OZ-appið er ókeypis en OZ rukkar 990 kr. mánaðargjald fyrir geymslu efnisins.

ÓMISSANDI Í VIKUNNI

LÆRKEVEJ
Miðvikudag
Kl. 21.35



BREAKING BAD
Fimmtudag
Kl. 21.15

BESTA SVARIÐ
Föstudag
Kl. 20.00



LATIBÆR
Laugardag
Kl. 17.55


THE KILLING
Sunnudag
Kl. 21.20



KINGDOM OF PLANTS
Mánudag
Kl. 20.00

MIKE & MOLLY
Þriðjudag
Kl. 20.25





ILLRÆMDUR KAPÓLIKKI

THE KILLING
Kl. 21.20 sunnudaga

Bandaríski leikarinn Peter Sarsgaard hefur mikla reynslu af túlkun myrkra, óhugnanlegra og illræmdra persóna. Sjálfur er hann afar flughræddur.

Fyrsta hlutverk Sarsgaards á hvíta tjaldinu var í myndinni Dead Man Walking, en þar lék hann fórnarlamb morðingja sem var svo dæmdur til dauða. Segja má að hann hafi nú snúið við blaðinu, því í þriðju seríu þáttaröðarinnar The Killing, sem nýlega hóf göngu sína á Stöð 2, leikur hann fanga á aftökudeild.

Sjálfur segist hann alfarið mótfallinn dauðarefsingum. Hann gekk í kaþólskan grunnskóla sem var rekinn af jesúítum. Hann segir að trúarlegt uppeldið hafi haft mikil áhrif

á hann sem leikara því kaþólikkum sé kennt að elska óvin sinn. „Að missa áhugann á fjölbreyttum persónuleikum, góðum eða slæmum, er það sama og að missa trú á mannkyninu,“ sagði hann í viðtali við New York Times. Hann segir að til að setja sig í spor persóna sem hann á ekkert sameiginlegt með leiti hann til samannlegra tilfinninga eins og öfundar og óréttlætis.

Peter Sarsgaard er kvæntur Maggie Gyllenhaal og saman eiga þau tvö börn.

Sarsgaard er þó ekki eingöngu bundinn við illræmdar persónur, en hann fer til dæmis með hlutverk stjórnmálamanns í væntanlegri mynd Woodys Allen sem nú er í bígerð.

PÖNKARI VAREÐ **BORGARSTJÓRI**

Ævi Jóns Gnarr er mjög óvenjuleg. Hann var lagður í einelti í barnaskóla og varð seinna pönkari. Á fullorðinsárum varð hann einn vinsælasti grínisti landsins og ekkert sem benti til þess að hann yrði áhrifamikill stjórnmálamaður.

PÖNK Í REYKJAVÍK
Kl. 19.25 sunnudaga

Ævi borgarstjóra Reykjavíkur verður rakin í fjórum þáttum sem sýndir verða á Stöð 2 í júní og júlí. Kvikmyndagerðarmaðurinn Gaukur Úlfarsson fylgdi honum eftir í aðdraganda skrautlegrar kosningabaráttu Besta flokksins árið 2010 auk þess sem þráðurinn var tekinn upp eftir að Jón tók við embættinu. Kvikmyndin Gnarr var frumsýnd í nóvember 2010 en Gaukur gerði kvikmyndina og þættina samhliða. „Það er ekkert einasta viðtal í myndinni en í þáttunum er stúfult af þeim og farið mun ítarlegar í ævi hans. Við ræðum meðal annars við samferðamenn hans, móður og vinnufélaga. Þannig reynum við að fá skýrari mynd af þessum stórbrotna manni. Auk þess sýnum við eldra grín úr smíðju Jóns Gnarr, meðal annars úr Fóstbræðrum.“

Samstarf Gauks og Jóns byrjaði upphaflega sem hugmynda- vinna að sjónvarpsþáttum. „Einn daginn kom hann á hugmynda- fund í kjánalegum jakkaftum og sagðist hann hafa verið í myndatöku fyrir Morgunblaðið sem borgarstjóraefni Besta flokksins. Eftir það fóru fundir okkar að snúast meira og meira um að gantast með að búa til alls konar asnaleg slagorð og stefnumál. Eina nóttina þegar ég var andvaka kviknaði á peru hjá mér og ég vissi að ég yrði að taka allt ferlið upp. Ég myndi aldrei fyrirgefa mér ef ég hefði ekki náð því, að hafa ekki verið á staðnum og gert þetta almennilega.“

Gaukur segir allt ferlið í kringum kosningarnar hafa verið stórkostlegt gaman. „Ég vissi að Jón var fyndnasti maður sem við Íslendingar höfum átt. Ég hef unnið með mörgu fyndnu fólki en Jón er algjört séni hvað þetta varðar. Hann á sér þó líka alvarlegri hlið og tekur starf sitt sem borgarstjóri mjög alvarlega. Hann er maður sem klárar þau verk sem honum eru falin og myndi aldrei hlaupast á brott frá þeim. Það má líka ekki gleyma því að Jónsi er pönkari og pönkarar eru bestir. Við gleymum því stundum á meðan andstæðingar hans hamast við að kalla hann trúð að borgarstjórinn í Reykjavík er Jónsi pönk.“

Skemmtilegir og fróðlegir þættir um einn sérstakasta stjórnmálamann Íslandssögunnar. Fyrsti þátturinn verður sýndur sunnudaginn kl. 19.25.



„Við gleymum því stundum á meðan andstæðingar hans hamast við að kalla hann trúð að borgarstjórinn í Reykjavík er Jónsi pönk,“ segir kvikmynda- gerðarmaðurinn Gaukur Úlfarsson.
MYND/VALLI



FÁIR JAFN STÓRIR

Leikari ársins, Ólafur Darri Ólafsson, fer með spennandi hlutverk í tveimur nýjum þáttaröðum bandaríska sjónvarpsrisans HBO sem sýndar verða á Stöð 2 næsta vetur.

Ég kem við sögu í nokkrum senum en blikki menn augum gætu þeir hæglega misst af mér," segur Ólafur Darri kíminn og af stakri hógværd um hlutverk sín fyrir HBO.

Ólafur Darri er nýkominn úr víkingi í Bandaríkjunum. Hlutverk hans voru raunar þrjú og í þeim öllum er hann umvafinn þekktum nöfnum úr kvikmyndaheiminum. Hann leikur í spennumyndinni A Walk Among the Tombstones með Liam Neeson í aðalhlutverki, sjónvarpsþáttunum Banshee úr smíðju handritshöfunda True Blood og True Detectives með sjarmatröllunum Woody Harrelson og Matthew McConaughey í aðalhlutverkum.

„Mér þótti afskaplega vænt um Woody í Staupasteini á árum áður. Í þáttunum leik ég meira á móti Matt-hew sem er fínn gaur og mikill listamaður. Það verður líka að segjast að hann er alveg stórkostlega myndarlegur maður. Hann er áhugasamur um Ísland og ekki ólíklegt að hann eigi eftir að koma hingað til að skjóta bímynd einn daginn," segir Ólafur Darri um kynni sín af einu heitasta kyntákni samtímans.

„Víst getur verið svolítið óraunverulegt að standa augliti til auglitis við heimsfrægar kvikmyndastjörnur. Maður hefur eytt drjúgum tíma með sumum þeirra fyrir framan sjónvarpið og því eðlilegt að maður hugsi um það hvort maður sé að ruglast aðeins í ríminu. Mín reynsla er sú að þær eru algjört yndi; harðduglegt fólk sem hefur unnið baki brotnu til að komast á sinn stall og veit hvað það er að berjast í bókku. Ég fæ því ekki glýju í augun en hef ekki orðið fyrir vonbrigðum við að hitta átrúnaðar-göðin.“

Ekkert glamúrlíf

Ólafur Darri gefur lítið upp um hlutverk sín í þáttum HBO annað en að þar sé hann með skegg.

„Hlutverk mitt í True Detectives var spennandi að takast á við og þættirnir fádæma flottir og stjörnum prýddir," segir Ólafur Darri sem reiknar allt eins með að framhald verði á vinnu sinni vestra þótt ekki sé tímabært að segja frá meiru nú.

„Það eru smá peningar í þessum bransa en ég er nýliði á nýjum markaði og þarf að sýna hvað í mér býr áður en ég geri einhverjar launakröfur. Mest um vert þykir mér þó að geta unnið á fleiri en einum markaði og stækka sjóndeildarhringinn," segir Ólafur Darri. Undanfarna sjö mánuði hefur hann verið á vinnuflakki á milli Los Angeles, New York, New Orleans og Norður-Karólínu.

„Það er nú ekki mikill glamúr yfir þessu og maður er mikið einn uppi á herbergi með flugþreytu. Vinnudagar eru langir og lítill tími til leiks. Ég les þó mikið, vinn í eigin verkefnum og er orðinn helvíti góður í að fara einn í bíó. Það hefur mér reyndar alltaf fundist skemmtilegt en hef nú haft fullkomna ástæðu til," segir hann og hlær.

Bandarískur ríkisborgari

Ólafur Darri segist ekki hafa dreymt um það í sekúndu að eiga eftir að leika í Bandaríkjunum þegar hann ákvað að leggja leiklist fyrir sig.

„Nú er meiri áhugi á erlendum leikurum vestra, sérstaklega

skandinavískum, og það hefur opnað mér dyr. Sjónvarp er á miklu flugi um þessar mundir og stórleikarar sækjast eftir að leika í sjónvarpsþáttaröðum.“

Vegferð Ólafs Darra hefur verið mikil á liðnum árum og fyrir viku hlaut hann Grímuna sem besti leikari á árinu fyrir Mýs og menn. Þá er margt spennandi í farvatninu heima, eins og Hamlet í Borgarleikhúsinu og sjónvarpsþættirnir Ófærð eftir Baltasar Kormák og Sigurjón Kjartansson.

„Ég veit eiginlega ekki hvers vegna mér hefur gengið svona vel. Ég er dálítið sérstök týpa því í leikarastétt eru ekki margir jafn stórir og ég. Það getur hjálpað eins mikið og það getur skemmt fyrir. Sem leikari í íslenskum bíó-

myndum, leikhúsum og sjónvarpi hef ég fengið gríðarleg tækifæri og reynslu sem hefur sitt að segja, og sú staðreynd að ég fæddist í Bandaríkjunum og hef bandarískan ríkisborgararétt ævina út skemmir ekki fyrir. Því get ég gengið í vinnu úti án þess að þurfa að taka þátt í happdrættinu um græna kortið," segir Ólafur Darri sem hlakkar til að sjá afraksturinn í vetur.

„Ég horfi óhræddur á sjálfan mig í myndum þótt mér þykir það alltaf nett óþægilegt. Kollurinn er alltaf í vinnunni og maður leitar að því sem betur mátti fara. Ég er að ná þeim þroska sem þarf til að geta séð hvenær ég geri vel og hvenær ekki. Það er mikilvægt að geta horft á eigin verk og hluti af leikarastarfinu, eins og lífinu, að læra af reynslunni.“

Ég fæ ekki glýju í augun en hef ekki orðið fyrir vonbrigðum að hitta átrúnaðar-göðin.

NAS

NASHVILLE
Kl. 20.00 mánudaga

Fyrsti þáttur Nashville verður sýndur á Stöð 2 mánudaginn 24. júní. Þættirnir fjallar um kántrísöngkonuna Raynu James, sem muna má sinn fífil fegurri og ferillinn farinn að dala. Ungstirnið Juliette Barnes er hins vegar á uppleið á ferlinum og á framtíðina fyrir sér. Rayna sér þann kost vænstan að reyna á samstarf þeirra beggja til að eiga von á að geta haldið áfram í bransanum.

Nashville-þættirnir hlutu góða dóma gagnrýnenda við frumsýningu þáttanna í Bandaríkjunum og þegar hefur verið ákveðið að ráðast í gerð annarrar þáttaraðar. Aðalleikkonurnar, Connie Britton og Hayden Panettiere, voru báðar tilnefndar til Golden Globe-verðlauna fyrr á árinu fyrir hlutverk sín í þáttunum.



SLAGUR KÁNTRÍ

Connie Britton

Bandarísk leikkona, söngkona og framleiðandi.

- Britton er þekktust fyrir hlutverk sitt sem Nikki Faber í gamanþáttunum Spin City, sem Tami Taylor í Friday Night Lights og sem Vivien Harmon í hryllingsþáttunum American Horror Story.
- Hefur leikið í nokkrum kvikmyndum. Sú fyrsta var The Brothers McMullen en auk þess hefur hún leikið í Friday Night Lights og A Nightmare on Elm Street.
- Hefur verið tilnefnd til nokkurra Emmy-verðlauna.
- Britton ættleiddi son frá Eþíópíu.
- Hún lærði kínversku í háskóla.
- Þegar Britton fékk hlutverk í Nashville ákvað hún að flytja til Nashville.





-KVENNA

Hayden Panettiere

Bandarísk leikkona, söngkona og fyrirsæta.

- Þrátt fyrir ungan aldur (23 ára) á Panettiere langan feril að baki.
- Hún lék í auglýsingu 11 mánaða gömul.
- Fimm ára gömul landaði hún fyrsta hlutverkinu í þáttunum One Life to Live, en hefur síðan leikið í þáttum á borð við Guiding Light og Heroes en líklega er hún þekktust fyrir þá þætti þar sem hún lék klappstýru með sérstaka hæfileika.
- Hún hefur leikið í nokkrum kvikmyndum, til dæmis Remember the Titans þegar hún var tólf ára, Message in a bottle, Bring it on: All or nothing, Raising Helen, Ice Princess og Scream 4.
- Panettiere er af þýskum og ítölskum ættum en Panettiere þýðir bakari á ítölsku.
- Leikkonan á ekki langt að sækja leikáhugann en móðir hennar er fyrrverandi sápuóperuleikkona.
- Hefur starfað sem fyrirsæta. Varð til dæmis andlit Neutrogena árið 2006.
- Kærasti Panettiere er úkraínski boxarinn Wladimir Klitschko.
- Panettiere er aðgerðarsinni og hefur barist fyrir verndun hvala og annarra sjávardýra.



SÍÐASTA ÞÁTTARÖÐIN AF BREAKING BAD

BREAKING BAD
Kl. 21.15 fimmtudagur

Bandaríska þáttaröðin Breaking Bad snýr aftur á Stöð 2 á fimmtudagskvöld. Þetta er fimmta og jafnframt síðasta þáttaröðin um Walter White og umsvif hans í eiturlyfjabransanum. Leikarinn Bryan Cranston er í aðalhlutverki í Breaking Bad en hann vakti fyrst athygli sem pabbinn í gamanþáttunum Malcolm in the Middle. Hann sýndi á sér nýja hlið þegar hann tók að sér hlutverk Walters White, fyrrverandi efnafræðikennara og fjölskyldumanns, sem var orðinn hundleiður á lífinu. Þegar hann fékk fréttir af því að hann væri með krabbamein

ákvað hann að nýta efnafræðikunnáttu sína og hefja framleiðslu fíkniefna. Cranston hlaut Emmy-verðlaunin þrjú ár í röð fyrir frammistöðuna í þáttunum. Breaking Bad hefur hlotið mikið lof gagnrýnenda og þykir ein besta sjónvarpsþáttaröð sem framleidd hefur verið. Þættirnir eru sýndir á AMC-sjónvarpsstöðinni í Bandaríkjunum sem þegar hefur sýnt fyrstu átta þættina sem núna verða teknir til sýninga á Stöð 2. Síðari hlutinn er væntanlegur seinna í sumar og verður hann sýndur á Stöð 2 aðeins þremur sólarhringum eftir frumsýningu á AMC.



MYND HELGARINNAR



PROMETHEUS
Kl. 21.55 Laugardag

Leikstjórinn Ridley Scott og teymi hans dvöldu langdvölum á Íslandi fyrir nokkru við tökum á Prometheus og afaksturinn má sjá hér á Stöð 2. Með aðalhlutverk fara Noomi Rapace (Karlar sem hata konur) og Charlize Theron.

10 BÍÓ Á STÖÐ 2 BÍÓ

BÍÓ TOPPMYNDIR
Kl. 22.00 alla daga

Miðvikudagur

Flypaper

Rómantísk gamanmynd frá höfundum Hangover um bankarán sem fer gjörsamlega úr böndunum. Með aðalhlutverk fara Patrick Dempsey og Ashley Judd.



Sunnudagur

Extremely Loud & Incredibly Close

Tom Hanks og Sandra Bullock í einkar áhrifamikilli mynd sem tilnefnd var til Óskarsverðlauna sem besta mynd ársins.



Mánudagur

Wanderlust

Skemmtileg gamanmynd með Paul Rudd og Jennifer Aniston um par frá Manhattan sem skiptir um gír og flytur úr stórborgarlífinu upp í sveit.

Föstudagur

Brooklyn's Finest


Hörkufín spennumynd með Richard Gere, Don Cheadle og Ethan Hawke.

Leiðir þriggja ólíkra lögreglumanna liggja saman á hættuslóð.

Laugardagur

The Nines

Spennandi og yfirnáttúruleg mynd um líf nokkurra einstaklinga sem fléttast óvænt saman. En þeir eiga kannski meira sameiginlegt en gæti virst í fyrstu.



Þriðjudagur

The Next Three Days

Hörkufín spennumynd með Russell Crowe um mann sem neyðist til að taka upp varnir fyrir eiginkonu sína sem ákærð er fyrir morð.

Stöð 2 Bío fylgir frítt með áskrift að Stöð 2



73% AFSLÁTTUR

SKEMMTILEGT VILDARTILBOÐ Í SKEMMTIGARÐINN GRAFARVOGI

Nú býðst áskrifendum Stöðvar 2 að eiga frábæra stund með fjölskyldunni í Skemmtigarðinum í Grafarvogi á sérstökum vildarkjörum.

Áskrifendur geta keypt tíma í Lasertag á aðeins 1.500 kr. í stað 5.500 kr. Að auki fylgja 36 minigolfbrautir FRÍTT með.

Tilboðið gildir alla virka daga í júní frá kl. 16-19.

Lasertag-ferð með fjölskyldunni er æsispennandi ferð sem enginn gleymir – safnaðu skemmtilegum fjölskyldustundum með Stöð 2 Vild.

Kynntu þér þetta og fleiri spennandi Vildartilboð nánar inni á stod2.is.

Stöð 2 Vild – er sníll.



KNATTSPYRNU-STJÖRNUR FRAMTÍÐAR

Sumarmótin á fimmtudögum á Stöð 2 Sport.

Stöð 2 Sport mun gera knattspyrnumótum barna og unglunga góð skil í sumar líkt og undanfarin ár í þáttunum Sumarmótin sem verða á dagskrá á fimmtudögum. Íþróttafretta- maðurinn og gleðigjafinn Guðjón Guðmundsson hefur umsjón með þáttunum og hann hefur séð marga af efnilegustu knattspyrnumönnum landsins stíga sín fyrstu spor á knattspyrnuvællinum.

Fjörð hefst með þætti um Þæjumótið í Eyjum. Það voru ÍBV og TM sem héldu mótið um

sl. helgi og þátturinn verður sýndur á fimmtudag klukkan 19.00. Þar eru það stelpur í 5. flokki sem sýna hvað í þeim býr.

Um næstu helgi fer fram Norðurlásmótið hjá 7. flokki drengja á Akranesi og verður þáttur um það mót sýndur fimmtudaginn 27. júní kl. 20.00. Næstu vikurnar tekur síðan hvert mótið við af öðru. Þáttur um Shell-mótið í Eyjum (6. flokkur drengja) er á dagskrá 4. júlí, N1-mótið á Akureyri (5. flokkur drengja) er sýndur 11. júlí, Síamótið í Kópavogi (5., 6. og 7.


flokkur stelpna) er á dagskrá 25. júlí og þáttur um hið alþjóðlega mót Rey Cup í Reykjavík er á dagskrá fimmtudaginn 1. ágúst.

Í þáttunum er fjallað ítarlega um knattspyrnumótin sjálf, sýnd glæsileg tilþrif, falleg mörk og farið yfir úrslitin. Það er þó fyrst og fremst stemningin og upplifun keppenda sem verður fönguð í myndum og máli.

Með Guðjóni við gerð þáttanna vinnur Steingrímur Jón Þórðarson sem hefur unnið til fjölda verðlauna fyrir mannlífspáttinn Sjálfstætt fólk.


Til hamingju

með sjónvarp framtíðarinnar



iPad 4

Verð frá: **89.990.-**



iPad mini

Verð frá: **59.990.-**



iPhone

Verð frá: **79.990.-**



iPod touch

Verð frá: **43.990.-**

Tilboð:

iPad mini WiFi 16GB + Apple TV

76.990.-*

Listaverð: 83.980.-



Með Apple TV er hægt að senda beint úr OZ appinu í sjónvarpið**

epli.is

Smáralind


Virka daga 11 - 19 / Fimmtudaga 11 - 21 / Laugardaga 11 - 18
Sunnudaga 13 - 18 | Sími 512 1330

Laugavegi 182

Virka daga 10 - 18 | Laugardaga 11 - 16 | Sími 512 1300

Birt með fyrirvara um prentvillur og verbreytingar.
* Tilboð gildir til 30. júní 2013.
** Sjónvarp þarf að vera með HDMI tengi til að tengjast Apple TV.

PHILIPS



**4stk
3D gleraugu
fylgja**

**47"
LED**

3D SMART LED TV



Philips 47PFL6097T

- 3D Smart LED TV
- Full HD 1920 x 1080 Pixel PreciseHD
- Ambilight Spectra 2 baklýsing
- 600 Hz Perfect Motion Rate
- Easy 3D og 2D-3D conversion
- Smart TV nettenging
- Þráðlaus Wi-Fi móttakari
- Stafr. DVB-C, DVB-T, DVB-T2 móttakari
- 3x USB, 5x HDMI, VGA, CI rauf
- Skype möguleiki og EasyLink
- App fyrir iPhone/Android síma o.fl.



**VERÐ
249.995**
FRÁBÆRT VERÐ



**32"
LED ÖRPUNNT LED**

HÁGÆÐA PHILIPS SJÓNVARP Á FRÁBÆRU VERÐI

Philips 32HFL7406D

- Örpunnt LED sjónvarp
- Ambilight baklýsing sem eykur upplifunina
- 2in1 standur, hægt að festa beint á vegg eða setja á borð
- 400Hz Perfect Motion Rate með HD Natural Motion gerir hröðustu myndir skýrar og skarpar
- Vel tengjum búið með 4 HDMI, USB, Scart, VGA, RCA og heyrnartólstengi ásamt kortarauf.



**VERÐ
129.995**
FRÁBÆRT VERÐ



**42"
LED ÖRPUNNT LED**

HÁGÆÐA PHILIPS SJÓNVARP Á FRÁBÆRU VERÐI

Philips 42HFL7406D

- Örpunnt LED sjónvarp
- Ambilight baklýsing sem eykur upplifunina
- 2in1 standur, hægt að festa beint á vegg eða setja á borð
- 400Hz Perfect Motion Rate með HD Natural Motion gerir hröðustu myndir skýrar og skarpar
- Vel tengjum búið með 4 HDMI, USB, Scart, VGA, RCA og heyrnartólstengi ásamt kortarauf.



**VERÐ
179.995**
FRÁBÆRT VERÐ



Heimilistæki ht.is
UMBODSMENN UM LAND ALLT